

Bil. S 9

PERLEMBAGAAN NEGARA BRUNEI DARUSSALAM
(Perintah di bawah bab 83(3))

PERINTAH DARURAT (AKTA TABUNG AMANAH PEKERJA)
(PINDAAN), 2000

Pada menjalankan kuasa yang diberikan oleh ceraiian (3) bab 83 dari Perlembagaan Negara Brunei Darussalam, maka Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut —

Gelaran. 1. Perintah ini boleh digelar sebagai Perintah Darurat (Akta Tabung Amanah Pekerja) (Pindaan), 2000.

Pindaan bab 13 Penggal 167. 2. Bab 13 dari Akta Tabung Amanah Pekerja, dalam Perintah ini disebut sebagai Akta tersebut, adalah dipinda dengan memotong ceraiian-ceraiian (1) dan (2) dan menggantikannya dengan yang berikut —

"(1) Akaun-akaun Tabung hendaklah diaudit sekurang-kurangnya setahun sekali oleh —

(a) Juruaudit Agung atau pegawai yang dibenarkan olehnya untuk bertindak bagi pihaknya; atau

Penggal 39. (b) Juruaudit yang telah diberikan kuasa sebagai juruaudit syarikat di bawah ceraiian (3) bab 131 dari Akta Syarikat-Syarikat yang akan dilantik setahun sekali oleh Lembaga,

yang akan menghadapkan laporan mengenainya kepada Lembaga.

(2) Jika akaun-akaun Tabung tersebut telah diaudit oleh juruaudit yang telah diberikan kuasa sebagai juruaudit syarikat di bawah ceraiian (3) bab 131 dari Akta Syarikat-Syarikat, Lembaga boleh mengarahkan Juruaudit Agung atau pegawai yang dibenarkan olehnya untuk bertindak bagi pihaknya bagi mengesahkan laporan yang diserahkan di bawah ceraiian (1)."

Pemasukan bab 32A baru. 3. Akta tersebut adalah dipinda dengan memasukkan bab baru yang berikut sejurus selepas bab 32 —

"Akaun-akaun rizab. 32A. Lembaga boleh mewujudkan dan menguruskan akaun-akaun rizab, dan bayaran-bayaran yang masuk dan keluar daripada akaun-akaun rizab pada setiap tahun kewangan hendaklah ditentukan oleh Lembaga."

Diperbuat pada hari ini 17 haribulan Syawal, Tahun Hijrah 1420 bersamaan dengan 24 haribulan Januari, 2000 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM